



TEKS UCAPAN

**YBHG. DATO' SRI KHAZALI BIN HJ. AHMAD
KETUA PENGARAH KASTAM MALAYSIA**

SEMPENA:

**MAJLIS PENYAMPAIAN HADIAH
PROGRAM JOM MINTA RESIT GST
SIRI-3**

TEMPAT:

KUCHING, SARAWAK

TARIKH:

16 OKTOBER 2016 (AHAD)

1. BISMILLAHHIRRAHMANIRRAHIM.
2. ASSALAMUALAIKUM WARAHMATULLAHI WABARAKATUH.
3. SALAM SEJAHTERA, SALAM 1KASTAM, DAN SALAM 1MALAYSIA.
4. SEGALA PUJI-PUJIAN HANYA KEPADA ALLAH (S.W.T).
5. SELAWAT DAN SALAM KE ATAS JUNJUNGAN BESAR NABI MUHAMMAD (S.A.W).
6. YANG BERBAHAGIA TUAN HASNOL ZAM ZAM BIN AHMAD, TIMBALAN KETUA PENGARAH KASTAM (PENGURUSAN).

YANG BERBAHAGIA DATO' MOHD ISA BIN ENDOT,
PENGARAH BAHAGIAN PERANCANGAN KORPORAT,
IBU PEJABAT JKDM.

YANG BERBAHAGIA DATO' MOHD PUDZI BIN MAN,
PENGARAH KASTAM NEGERI PULAU PINANG.

YANG BERUSAHA TUAN TAN SIM KIAT,
PENGARAH BAHAGIAN GST, IBU PEJABAT JKDM.

YANG BERUSAHA TUAN HJ. AHMAD BIN JII,
PENGARAH KASTAM NEGERI SARAWAK.

PEGAWAI-PEGAWAI KANAN,
JABATAN KASTAM DIRAJA MALAYSIA.

YANG SAYA HORMATI RAKAN-RAKAN MEDIA DARI PIHAK
TV, AKHBAR DAN MEDIA TEMPATAN.

TUAN-TUAN, PUAN-PUAN SERTA PARA HADIRIN YANG
DIHORMATI SEKALIAN.

7. BERSYUKUR KEPADA ALLAH S.W.T. KERANA DENGAN
IZINNYA KITA DAPAT MENGHADIRKAN DIRI KE MAJLIS
PENYAMPAIAN HADIAH KEPADA PARA PEMENANG DI
NEGERI SARAWAK UNTUK PROGRAM “JOM MINTA RESIT
GST” SIRI KETIGA, BAGI CABUTAN BULAN OGOS DAN
SEPTEMBER 2016, ANJURAN JABATAN KASTAM DIRAJA
MALAYSIA.
8. SELAMAT DATANG SAYA UCAPKAN KEPADA SEMUA
HADIRIN, KHASNYA KEPADA PARA PEMENANG, TETAMU
JEMPUTAN DAN RAKAN MEDIA.

**DATO'-DATO' SERTA PARA HADIRIN YANG SAYA
HORMATI SEKALIAN.**

9. PADA KESEMPATAN INI, SUKA SAYA TEGASKAN SEKALI
LAGI BAHAWA SISTEM PERCUKAIAN GST MERUPAKAN
ANTARA SISTEM PERCUKAIAN YANG TERBAIK DI DUNIA.

10. MALAYSIA MULA MELAKSANAKAN GST PADA 1 APRIL TAHUN 2015, DAN GST BUKANLAH SATU SISTEM CUKAI YANG BARU KERANA IA TELAHPUN DIAMALKAN SEJAK PULUHAN TAHUN LALU OLEH LEBIH 160 BUAH NEGARA.
11. HINGGA KE HARI INI KE SEMUA NEGARA BERKENAAN MASIH MENGEKALKAN SISTEM PERCUKAIAN GST DI NEGARA MASING-MASING KERANA TERBUKTI GST MEMBERI BANYAK KEBAIKAN KEPADA NEGARA.
12. BAGI MEMASTIKAN GST INI BERUPAYA MENGHASILKAN KEMAKMURAN DAN KESEJAHTERAAN KEPADA NEGARA, MAKA ADALAH MENJADI TANGGUNGJAWAB SEMUA PIHAK MEMASTIKAN SISTEM CUKAI INI DILAKSANAKAN DAN DITADBIR DENGAN BETUL.
13. SALAH SATU TINDAKAN YANG BOLEH KITA LAKUKAN IALAH DENGAN SAMA-SAMA MENJAYAKAN PROGRAM “JOM MINTA RESIT GST”, IAITU SATU PROGRAM YANG DIPERKENALKAN OLEH JABATAN KASTAM UNTUK MENGGALAKKAN PARA PEMBELI MEMINTA RESIT BAGI SETIAP PEMBELIAN YANG MEREKA LAKUKAN.
14. INI KERANA DARI PEMERHATIAN KASTAM, MASIH ADA PEMBELI MENGABAIKAN HAK MEREKA UNTUK MENDAPATKAN RESIT, ATAU TIDAK KISAH SAMADA PENJUAL MENGELUARKAN RESIT ATAU TIDAK.

15. JIKA PUN ADA PENJUAL MENGELUARKAN RESIT DAN MEMBERINYA KEPADA PEMBELI, TETAPI MASIH ADA PEMBELI TIDAK KISAH APA BUTIRAN YANG TERTULIS PADA RESIT BELIAN MEREKA.
16. KEALPAAN PEMBELI SEPERTI INI BOLEH MEMBERI BANYAK KESAN BURUK.
17. ADA PENJUAL MENDAKWA KONONNYA MEREKA MENAWARKAN HARGA YANG LEBIH MURAH KEPADA PEMBELI SEKIRANYA URUSNIAGA DIJALANKAN TANPA RESIT GST, WALHAL PENJUAL BERKENAAN SEBENARNYA MENJUAL BARANGAN YANG SEMEMANGNYA TIDAK BERCUKAI GST.
18. JIKA KEADAAN INI TERUS BERLAKU, IA TURUT MEMBERI KESAN KEPADA KERAJAAN, KERANA GST YANG DICAJ TANPA RESIT BOLEH MENYEBABKAN WANG GST YANG DIBAYAR OLEH PEMBELI TIDAK DISALURKAN KEPADA KERAJAAN, SEBALIKNYA MASUK KE POKET PENJUAL.
19. KESAN AKHIRNYA, RAKYAT AKAN RUGI KERANA DUIT GST YANG DIBAYAR OLEH RAKYAT ITU SEPATUTNYA BOLEH DIKEMBALIKAN SEMULA KEPADA RAKYAT MELALUI PROGRAM-PROGRAM PEMBANGUNAN KERAJAAN.

20. ALHAMDULILLAH, USAHA YANG DILAKUKAN OLEH JABATAN KASTAM MELALUI PROGRAM “JOM MINTA RESIT GST” INI TELAH MENDAPAT SAMBUTAN RAKYAT.
21. BAGI TEMPOH CABUTAN SIRI KETIGA INI, IAITU UNTUK BULAN OGOS DAN SEPTEMBER 2016, SEBANYAK 276,120 PENYERTAAN DITERIMA DARI SELURUH NEGARA.
22. JUMLAH PENYERTAAN PADA KALI INI TELAH MENINGKAT 30% BERBANDING PENYERTAAN SIRI KEDUA YANG LEPAS.
23. SAYA YAKIN, SELEPAS INI JABATAN KASTAM DIRAJA MALAYSIA AKAN MENERIMA LEBIH BANYAK PENYERTAAN DARIPADA ORANG RAMAI.
24. PADA MINGGU LEPAS SEBANYAK 2,876 ORANG PEMENANG TELAH DIPILIH DARI SELURUH NEGARA DAN PADA HARI INI SEBANYAK 30 ORANG PEMENANG HADIAH UTAMA YANG TERPILIH DARI SEKITAR BANDARAYA KUCHING AKAN MENERIMA HADIAH DI SINI.
25. KEPADA LAIN-LAIN PEMENANG, MEREKA BOLEH MENUNTUT HADIAH MASING-MASING MULAI HARI SELASA IAITU PADA 18 OKTOBER 2016 DI PEJABAT KASTAM YANG BERHAMPIRAN DENGAN MEREKA.

**DATO'-DATO' SERTA PARA HADIRIN YANG SAYA
HORMATI SEKALIAN.**

26. SEBELUM SAYA MENAMATKAN UCAPAN, SEKALI LAGI SAYA MENGUCAPKAN TAHNIAH KEPADA SEMUA PEMENANG PROGRAM “JOM MINTA RESIT GST” DI SELURUH NEGARA.
27. SEHUBUNGAN ITU SAYA MERAKAMKAN PENGHARGAAN KEPADA SEMUA PIHAK YANG TELAH MEMBERI SUMBANGAN SAMA ADA SECARA LANGSUNG ATAU TIDAK LANGSUNG DALAM MENJAYAKAN PROGRAM INI, TERUTAMANYA KEPADA SELURUH WARGA JABATAN KASTAM NEGERI SARAWAK.
28. SEKIAN, WABILLAHI TAUFIQ WALHIDAYAH
WASSALAMUALAIKUM WARAHMATULLAHI
WABARAKATUH.

**DATO' SRI KHAZALI BIN HJ. AHMAD,
KETUA PENGARAH KASTAM MALAYSIA.
16 OKTOBER 2016**